



“TASDIQLAYMAN”

SamDU ilmiy ishlar va innovatsiyalar

bo'yicha prorektori

H. XushvaqtoV

2023-yil “ ”

**Iqtidorli yoshlarining g'oya va loyihalarini qo'llab-quvvatlash
maqsadida talaba-yoshlar o'rtasida o'tkaziladigan
“TechnoWays” texnologik marafonining**

N I Z O M I

I. Umumiy qoidalar

1. Ilmiy va innovatsion g'oyalar, loyihalarni saralab olish, yoshlarni qo'llab-quvvatlash maqsadida “TechnoWays” texnologik rivojlanish marafoni (keyingi o'rinlarda – Marafon) oliy ta'lim muassasasi doirasidagi Marafon bo'lib, yoshlarning ilmiy va innovatsion salohiyatini namoyon etish, mazkur sohadagi istiqbolli loyihalarni dastlabki bosqichda aniqlash va ularni har tomonlama qo'llab-quvvatlashga, tijoratlashtirish darajasiga olib chiqishga va o'z navbatida, loyihani amaliyotga joriy etishga qaratilgan. Shu bilan birga Marafon to'g'risidagi Nizom Marafon o'tkazish shartlari, g'oliblarni aniqlash va ularni taqdirlash tartibini belgilaydi.

2. Marafon, qatnashchilari o'rtasida ilmiy va innovatsion loyiha yo'nalishlarida ilmiy-texnik ijodkorlik hamda ixtirochilikni rag'batlantirish, innovatsion faollikni oshirish, yangi texnika-texnologiya va raqobatbardosh mahsulotlarni yaratishni qo'llab-quvvatlashga qaratilgan.

3. Marafonda ishtirok etayotgan qatnashchilarning loyihalarini baholash va g'oliblarni aniqlash uchun tegishli soha mutaxassislaridan iborat Marafon komissiyasi (keyingi o'rinlarda Komissiya) tuziladi hamda Komissiya kotibi aniqlanadi.

4. Marafonning universitet bosqichlarini tashkil etish va o'tkazish bilan bog'liq xarajatlarni universitetning byudjetdan tashqari mablag'lari hisobidan amalga oshiriladi.

II. Marafonni o'tkazish tartibi, muddatlari va shartlari

5. Marafonda ishtirok etuvchi yoshlarni aniqlash maqsadida universitet veb sayti (samdu.uz), universitet iqtidorli talabalar platformasi (iqtidor.samdu.uz), ijtimoiy tarmoqlardagi sahifalari (<https://t.me/samdueduuz>)da e'lon beriladi. Marafon ishtirokchilari ro'yxatdan o'tishda aniq bir muammo yoki mavjud potensial imkoniyatdan kelib chiqqan holda innovatsion xarakterga ega g'oya yoki loyihani taklif etishlari lozim.

6. Marafonda ishtirok etmoqchi bo'lgan talaba-yoshlar yakka o'zi yoki ko'pi bilan uch nafar talaba yoshlardan iborat jamoa bo'lib ro'yxatdan o'tishlari mumkin.

7. Marafonning har bir ishtirokchisi o'z loyihalarini Komissiya a'zolariga taqdimot qilishadi. Har bir ishtirokchiga taqdimot qilish uchun 5 daqiqa vaqt, savol-javoblar uchun qo'shimcha 2 daqiqa vaqt beriladi. Loyihalarni baholash mazkur nizomning III bandida ko'rsatilgan mezonlar asosida amalga

oshiriladi. Loyihalar taqdimoti yakunida Komissiyaning har bir a'zosi tomonidan qo'yilgan ballar umumlashtiriladi.

8. A'zolarining qo'ygan ballari, Marafon g'oliblari va ularning ishlanmalari to'g'risidagi ma'lumotlar Komissiyasining bayonida ko'rsatiladi hamda a'zolari tomonidan imzolanadi. Komissiyaning yakuniy qarori bo'yicha Oliy ta'lim muassasasi izoh bermaydi.

9. Universitet mas'ullari Marafon ishtirokchilarini tanlovning talab va shartlari to'g'risida xabardor qiladi, tanlov yakunlari bo'yicha g'oliblarga xabar beradi va ularni taqdirlashni tashkil etadi.

III. Ishlanmalarni baholash mezonlari

Marafonda ishtirok etish uchun ajratib olingan ishlar quyidagi mezonlar asosida, har bir mezon uchun alohida 10 ballik tizim bo'yicha baholanadi:

- G'oya yoki loyihaning ilmiy va innovatsion yangiligi;
- G'oya yoki loyihaning aniq bir muammoning yechimiga yo'naltirilganligi;
- Mavjud analoglaridan afzalligi;
- Biznes modeli va monetizatsiyasi;
- G'oyaning amalga oshirishdan kutilayotgan natijalar;
- Loyiha taqdimotining mukammalligi;
- Loyiha pasporti, biznes-rejasi va xarajatlar smetasi hujjatlari to'ldirilganligi.

10. Marafon ishtirokchilari Komissiya a'zolariga loyihaning ilmiy va amaliy hamda ijtimoiy ahamiyatini tushuntirib bera olishini namoyish etishi lozim.

11. G'oliblarni aniqlashda baholash jarayoni davomida har bir ishtirokchiga komissiya a'zolari tomonidan qo'yilgan ballar umumlashtiriladi va komissiya a'zolari soniga bo'linadi. Eng yuqori ball to'plagan 3 nafar ishtirokchi g'olib deb hisoblanadi.

12. Ishtirokchilar tomonidan to'plangan ballar bir xil bo'lib qolgan taqdirda, komissiya a'zolari tomonidan ovoz berish usuli bilan g'olib aniqlanadi.

13. Loyihaning ilmiy yangiligini va zamonaviylikini ko'rsatish maqsadida uning analoglari bilan solishtirish imkonini beruvchi ma'lumotlarni, stendlar yoki boshqa qurilmalarda test va sinovdan o'tkazilganligi to'g'risida ma'lumot berishlari lozim. Agar ishlanma tanlovda ishtirok etgan yoki patentlangan bo'lsa bu haqda tegishli ma'lumotlar taqdim etiladi.

IV. Tanlov g'oliblarini mukofotlash

14. Marafon yakunlariga ko'ra eng yuqori ko'rsatgichga ega bo'lgan 1-2-3-o'rin egallari (jamoalar) quyida ko'rsatilgan miqdordagi pul mukofotlari yoki mazkur qiymatdagi qimmatbaho esdalik sovg'alar bilan taqdirlanadilar:

- 1-o'rin –bazaviy stipendiya miqdorining 5(besh) baravari yoki esdalik sovg'alar;
- 2-o'rin –bazaviy stipendiya miqdorining 3(uch) baravari yoki esdalik sovg'alar;
- 3-o'rin –bazaviy stipendiya miqdorining 2(ikki)baravari yoki esdalik sovg'alar;

15. Mukofot Marafonda g'olib bo'lgan loyihalarga, uning mualliflari sonidan qat'iy nazar, belgilangan qiymatda beriladi. Agar jamoa shaklida ishtirok etgan ishtirokchilarning loyihasi g'oliblikni qo'lga kiritsa, jamoa a'zolarining har biriga mukofot summasi teng miqdorda taqsimlanadi.

16. Mukofotlash Marafonda g'olib bo'lgan talaba-yoshlarning bank plastik kartochka hisob-raqamlariga pul o'tkazish yo'li bilan yoki yoki naqd pul ko'rinishida amalga oshirilishi mumkin.

17. Marafon g'oliblarini taqdirlash bilan bog'liq sarf-xarajatlar universitetning byudjetdan tashqari mablag'lari hisobidan amalga oshiriladi.

18. Homiyar taqdim etgan qimmatbaho buyum va yoki esdalik sovg'alar homiyar bilan kelishilgan tartibda g'oliblarga yoki yuqori ko'rsatkichlarga ega, faol ishtirokchilarga ham (rag'batlantiruvchi sovg'a sifatida) topshiriladi.

19. Ushbu Nizom, Marafon to'g'risidagi ma'lumotlar va uning natijalari universitetning rasmiy web-sayti va boshqa ommaviy axborot vositalarida e'lon qilinadi.

Yakuniy qoidalar

20. Saralash bosqichini o'tkazish tartibi va mezonlariga o'zgartirish kiritish qonun hujjatlariga muvofiq amalga oshiriladi.

21. Ushbu Nizom talablari buzilishida aybdor bo'lgan shaxslar qonun hujjatlarida belgilangan tartibda javobgar bo'ladilar.